



GRADONAČELNIK

Broj: 07-4326/24

Datum: 05.02.2025.godine

Gradonačelnik na osnovu člana 70. stav (1) i (3) Zakona o javnim nabavkama ("Službeni glasnik BiH", broj: 39/14, 59/22 i 50/24), Budžeta Grada Srebrenik za 2024. godinu, („Sužbeni glasnik grada Srebrenik“, broj: 12/23), članova 37. i 139. Statuta Grada Srebrenik ("Službeni glasnik Grada Srebrenik", broj: 1/24), a na preporuku Komisije za javnu nabavku po Zapisniku o pregledu i ocjeni ponuda broj: 07-4326/24 od 27.01.2025. godine za javnu nabavku roba – dijelova i opreme za gradska i vatrogasna vozila za 2025. godinu, d o n i o j e:

ODLUKU O IZBORU PONUĐAČA

I

Prihvata se preporuka Komisije za javnu nabavku, po Zapisniku o pregledu i ocjeni ponuda broj: 07-4326/24 od 27.01.2025. godine te se Ugovor za **javnu nabavku roba – dijelova i opreme za gradska i vatrogasna vozila za 2025. godinu** iznosu od **15.688,40 KM** (cijena bez uračunatog PDV-a), odnosno u iznosu od **18.355,43 KM** (cijena sa uračunatim PDV-om) dodjeljuje ponuđaču „**MIRADO**“ d.o.o. Tuzla, a u skladu sa ponudom broj: *1-6006/24 od 09.12.2024. godine.*

II

Ova odluka objavit će se na web-stranici www.srebrenik.ba istovremeno s upućivanjem ponuđaču koji je učestvovao u postupku javne nabavke, u skladu sa članom 70. stav 6. Zakona o javnim nabavkama.

OBRAZLOŽENJE

Odlukom o pokretanju postupka za javnu nabavku roba – dijelova i opreme za gradska i vatrogasna vozila za 2025. godinu, broj: 07-4326/24 od 29.11.2024. godine, pokrenut je postupak nabavke predmetnih roba. Javna nabavka je provedena putem konkurentskog zahtjeva, a kriterij za dodjelu ugovora je najniža cijena.





Ukupna procijenjena vrijednost nabavke iznosi *16.068,38 KM (bez PDV-a)*.

Obavještenje o nabavci predmetnih usluga objavljeno je na Portalu javnih nabavki dana 03.12.2024.godine pod brojem 761-7-1-82-3-134/24 i sažetak obavještenja o nabavci, objavljen u „Službenom glasniku BiH“ broj: 84/25 od 06.12.2024. godine. Tenderska dokumentacija objavljena je zajedno sa navedenim obavještenjem.

U krajnjem roku za dostavu ponuda dostavljena je samo ponuda ponuđača:

„MIRADO“ d.o.o. Tuzla, broj ponude: I-6006/24 od 09.12.2024. godine u iznosu od 15.688,89 KM (bez PDV-a)

Komisija za javne nabavke je računskom provjerom uočila računsku grešku prilikom obračuna PDV-a na ukupnu cijenu bez PDV-a za stavke pod rednim brojevima: 5, 6, 7, 8, 9, 10, 11, 13, 14, 15, 16 17, 18, 19 i 20., na način da upisane ukupne cijene za navedene stavke sa PDV-om, zbog pogrešnog obračuna, nisu ispravne. Spomenuto je rezultiralo također i grešci u ukupnoj cijeni sa PDV-om prilikom sabiranja svih 20 stavki, a samim tim i u ukupnom iznosu u rekapitulaciji. Shodno tome, Komisija je uputila putem e-maila Saglasnost za ispravku računске greške broj: 07-4326/24 dana 27.01.2025. godine, a ponuđač „MIRADO“ d.o.o. Tuzla, blagovremeno je također putem e-maila, dana 03.02.2025. godine, dostavio Saglasnost za ispravku računске greške broj: I-398/25 od 29.01.2025. godine.

Pregledom i provjerom preostalih kriterija koji se uzimaju u obzir tokom analize i ocjenjivanja ponude Komisija je utvrdila da je ponuda potpuna, prihvatljiva i pravilna, odnosno da je ponuđač dostavio dokaze tražene tenderskom dokumentacijom.

Shodno tome, Komisija je predložila Gradonačelniku prihvatanje ponude „MIRADO“ d.o.o. Tuzla u iznosu od 15.688,40 KM (cijena bez uračunatog PDV-a), odnosno u iznosu od 18.355,43 KM (cijena sa uračunatim PDV-om) za javnu nabavku roba – dijelova i opreme za gradska i vatrogasna vozila za 2025. godinu, te u skladu sa članom 70. Zakona donošenje Odluke o izboru imenovanog ponuđača za predmetne robe, te po ispunjenju uslova zaključenje ugovora u naprijed navedenom iznosu sa izabranim ponuđačem.

U postupku ocjene provedenog postupka, ugovorni organ nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za javnu nabavku.

U toku donošenja donošenja ove Odluke posebno su cijenjenje činjenice da je Komisija pravilno i potpuno izvršila ocjenu kvalifikovanosti ponuđača i ocjenu prispjele ponude izvršila u skladu sa kriterijima iz tenderske dokumentacije, Zakonom o javnim nabavkama i podzakonskim aktima.





Iz navedenih razloga, uzimajući u obzir i primjenjujući iznad istaknute članove pozitivne zakonske regulative iz oblasti javnih nabavki odlučeno je kao u dispozitivu.

Pouka o pravnom lijeku:

Protiv ove Odluke može se izjaviti žalba Uredu za razmatranje žalbi putem Ugovornog organa, najkasnije u roku od 5 (pet) dana od dana prijema ove Odluke, shodno članovima 97., 99. i 101. Zakona o javnim nabavkama. Žalba se podnosi u dovoljnom broju primjeraka, a koji ne može biti manji od tri.

Dostavljeno:

1. Ponuđaču 1x,
- ② Evidenciji
3. Budžetu,
4. Arhivi

по. GRADONAČELNIK

Adnan Bjelić

